



www.dosm.gov.my

NEWSLETTER

DOSM/DOSM.PAHANG/1.2022/SIRI 55 **BANCI PENDUDUK & PERUMAHAN MALAYSIA 2020**

SIRI JELAJAH PARLIMEN DAN DUN PAHANG DARUL MAKMUR

Siri Jelajah Parlimen dan DUN bagi menyebarkan dapatan Banci Malaysia 2020 peringkat Negeri Pahang telah diadakan pada 15 Jun 2022 di Kuantan, Pahang. Siri jelajah ini bermula dengan sesi Sidang Media oleh YBhg. Dato' Sri Dr. Ketua Perangkawan Malaysia kepada 13 pengamal media di Kuantan. Antara pengamal media yang hadir adalah Bernama, Sin Chiew Daily, Sinar Harian, The China Press, Nanyang Siang Pau dan NSTP. Turut hadir membuat liputan ialah RTM, TV3 dan Astro Awani.

Lebih 20 liputan telah diperolehi melalui sidang media ini sama ada di media cetak, media elektronik mahu pun media sosial. Tiga tajuk utama telah diberitakan iaitu berkenaan keselamatan kerahsiaan maklumat responden, jumlah tempat kediaman yang kosong dan status penduduk menua di Negeri Pahang.

Di samping itu, DOSM turut mempromosikan aplikasi terkini iaitu *dashboard* KawasanKu (<https://kawasanku.dosm.gov.my>). *Dashboard* ini memaparkan maklumat kependudukan dan sosial secara interaktif dan boleh dicapai melalui pelbagai peranti.

SINAR HARIAN - KHAMIS 16 JUN 2022

NASIONAL | 19

1.9 juta rumah kosong di Malaysia

Catat peningkatan berbanding 1.2 juta kediaman tidak didiami pada 2010

Oleh NIK AMIRUL MU'MIN NIK MIN KUANTAN

Sebanyak 1.9 juta kediaman di negara ini kosong berdasarkan rekod Jabatan Perangkawan Malaysia melalui penemuan utama Banci Malaysia 2020. Ketua Perangkawan, Datuk Seri Dr Mohd Uzir Mahidin berkata, jumlah itu menunjukkan peningkatan berbanding 1.2 juta kediaman kosong direkodkan pada tahun 2010.

Menurutnya, berdasarkan statistik, terdapat 9.6 juta kediaman di seluruh negara.

"Di Pahang, terdapat 18 peratus kediaman yang sudah dibeli namun tidak didiami sepenuhnya manakala di Melaka merekodkan lebih 30 peratus kediaman tidak didiami.

"Daripada bilangan kediaman dibeli dan tidak didiami itu, kebanyakan pemilik berada di tempat lain dan menjadikan rumah mereka sebagai rumah peringgahan dan *homestay*," katanya.

Beliau berkata demikian dalam sidang akhbar sempena Program Jelajah Banci Malaysia: Pahang Bersama Media di sini pada Rabu.

Mohd Uzir berkata, berdasarkan Bancian Malaysia 2020, jumlah penduduk negara ini seramai 32.4 juta orang.

"Daripada jumlah itu, 17 juta adalah lelaki dan 15.5 juta wanita dengan nisbah 113 lelaki bagi setiap 100 wanita," jelasnya.



Mohd Uzir (tengah) melihat kandungan buku Jelajah Banci Malaysia ketika sesi bersama wartawan dan media di Kuantan pada Rabu.





SIRI JELAJAH PARLIMEN DAN DUN BANCI PENDUDUK & PERUMAHAN MALAYSIA 2020 PAHANG DARUL MAKMUR

JABATAN PERDANA MENTERI
JABATAN PERANGKAAAN MALAYSIA

JENGUK RODONG USAHAWAN

**"PROSPEK INDUSTRI
KECIL & SEDERHANA (IKS)
NEGERI PAHANG"**

JOM DENGAR DI :

PAHANGfm
Satu Pilihan

bersama
YBHG. DATO' SRI DR. MOHD UZIR MAHIDIN
Ketua Perangkawan Malaysia
merangkap Pesuruhjaya Banci Malaysia 2020

RABU | 15 Jun 2022 | 12:15 t/hari -12:45 t/hari

Dengarkan secara langsung di Radio Pahang fm Frekuensi 104.1 Mhz

Siri Jelajah Parlimen dan DUN diteruskan dengan YBhg. Dato' Sri Dr. Ketua Perangkawan Malaysia bersiaran di Radio Kuantan FM. Pada kali ini, YBhg. Dato' Sri Dr. ditemuramah berkenaan prospek industri kecil dan sederhana (IKS) di Negeri Pahang.

Sesi yang berlangsung selama 30 minit itu telah dihoskan oleh DJ Nik Kanisah atau Kak N. Pelbagai maklumat dikongsikan oleh YBhg. Dato' Sri Dr. bersama pendengar setia Kuantan FM khususnya dalam menggunakan data atau maklumat untuk membantu mereka membuat keputusan berkaitan keusahawanan.



Sebagai makluman, pada masa kini terdapat 51,570 pertubuhan IKS di Negeri Pahang. Daripada jumlah ini, 79.5 peratus (40,990) berada dalam sektor perkhidmatan. Manakala kes mengikut saiz pula ialah Mikro 83.4% (42,997), Kecil 15.3% (7,922) dan Sederhana 1.3% (651).



Berdasarkan laporan Banci Malaysia 2020, statistik kemudahan perkhidmatan ada disertakan maklumat bilangan premis tertentu seperti kedai runcit, kedai dobi, farmasi, klinik gigi, stesen minyak dan tadika swasta. Maklumat ini boleh digunakan sebagai perancangan awal jenis perniagaan yang ingin dibuka disatu-satu kawasan.



SIRI JELAJAH PARLIMEN DAN DUN BANCI PENDUDUK & PERUMAHAN MALAYSIA 2020 PAHANG DARUL MAKMUR

Siri Jelajah Parlimen dan DUN peringkat Negeri Pahang pada kali ini berakhir dengan Forum Statistik di Universiti Malaysia Pahang (UMP) Kampus Gambang. Forum yang julung kalinya diadakan ini telah dihadiri lebih 100 orang ahli akademik dan pelajar penyelidikan UMP.

Tajuk forum pada kali ini adalah Data Pemangkin Kesejahteraan Penduduk dan moderatornya ialah YBhg. Prof. Madya Dr. Roslinazairimah Zakaria. Sebagai panel utama, YBhg. Dato' Sri Dr. Mohd Uzir Mahidin telah menerangkan kepentingan penyusunan data di peringkat granular.

Penemuan Banci dihasilkan begitu terperinci sehingga peringkat geografi lebih kecil seperti Daerah Pentadbiran, Mukim, PBT, Parlimen dan DUN. Maklumat ini penting bagi memudahkan kerajaan merangka dasar pembangunan sosio-ekonomi yang lebih bersasar dan inklusif.

Turut hadir sebagai panel ialah Prof. Ts. Dr. Mohd Rashid Ab Hamid yang merupakan pensyarah kanan di UMP.

PROGRAM JELAJAH DUN BERSAMA IPTA MELALUI KERJASAMA JABATAN PERANGKAIAN MALAYSIA DAN UNIVERSITI MALAYSIA PAHANG

Forum Statistik

Panel
YBHG. DATO' SRI DR. MOHD UZIR MAHIDIN
Ketua Perancangan Perumahan

Moderator
PROFESOR MADYA
DR. ROSLINAZAIRIMAH BINTI ZAKARIA

Panel
PROFESOR
TS. DR. MOHD RASHID BIN AB HAMID

Rabu | bermula
15 Jun 2022 | 3.15 petang

Astaka, Universiti Malaysia Pahang (UMP) Gambang
Penyertaan adalah percuma

Logos: 10th Anniversary of UMP, HES BA 2022, UMP, PERKAMPARAN MALAYSIA, PPRN, and social media icons.

